

Parlamento a pasa mocion encuanto proyecto di aeropuerto

ORANJESTAD(AAN): Tin hopi hende no por kere ora cu nan bolbe tende cu Parlamento di Aruba a bolbe tene reunionnan importante encuanto asuntonan cu ta encera interes nacional.

Ni un aña pasa Parlamento tabata manera un morocoy benta riba su lomba y cu no

tabata funciona debi na politica partidista.

Cos a cambia pasobra ayera un biaha mas Parlamento di Aruba a pasa un mocion riba un asunto importante pa pais Aruba, cual ta proyecto di aeropuerto.

Parlamento a pasa un mocion caminda a keda dicidi cu

I " Pa urgi gobierno den consulta cu Parlamento pa dentro di 2 siman nombra un Task Force consistiendo di 5 persona cu lo mester vigila y controla ehecuacion di e proyectonan riba su meritonan tecnico y financiero - economico y cu lo raporta e resultado aki na Parlamento.

II "Pa urgi gobierno cu dentro di 30 dia tramitanan necesario mester worde haci pa cu e statutonan di Aruba Airport Authority N.V. cu lo mester haci imposibel cu cualkier representante di un empresa p.e. oficina di abogado - notario o partnernan cu tin di haber den forma

directo cu e proyecto di renovacion - expansion di nos aeropuerto y tambe e explotacion di e aeropuerto den futuro por ta na e mesun momento comisario den dicho compania".

E mocion a ser pasa cu votacion di 12 y dos contra.

Obligatoriamamente lo por cancela comedia di Pachi Damon

ORANJESTAD(AAN): Segun informacionnan cu DIARIO ta dispone di dje di parti di Jan Poets cu ta impresario pa e comedia "Ami ta naci, abo tin cu bebe pa bira" di Pachi Damon, obligatoriamente lo por cancela presentacion di e obra debi na rechazo di permiso pa e presenta e comedia na Aruba diana 6 (awe), 7 y 8 di maart.

Awe e grupo di Pachi Damon ta yega Aruba y lo bin haya e notificacion tristo di cu nan no por presenta na Aruba.

E rechazo a ser duna pa motibo cu Ministro Watty Vos ya a firma pa e comedia di Arteproba cu ta ser treci pa un personahe di Canal 90, tuma lugar diana 9, 10, 11 y 12 di e luna aki caba.

Jan Poets a lamenta cu e asunto a bay asina ya cu for di dia 19 di februari el a pidi pa permiso (e otro permiso ta pidi di dia 13 di februari) y a keda ser teni na linea continuamente di cu no por haya Ministro y cu ta ayera numa despues di tur dia ta yama puntra, e ta bin tende cu e permiso ta rechaza.

Sres. John Vos y Coby Alders a pidi Jan Poets si e por move su comedia pa otro fecha cual tabata dificil pa haci ya cu Cas di Cultura no tin mas fecha disponibel y durante siman no ta posibel pasobra e elenco ta consisti di maestro y maestranan di school cu mester cumpli cu nan labor diario.

For di dia di registra na Cas di Cultura tabata pa e comedia wordo presenta na luna di april pero a resulta cu e comedia di Arteproba tabata registra pe fechanan di luna di april caba. Esaki a

pone cu Jan Poets a acepta e fechanan di luna di Maart cuminsando awe.

Pa su sorpresa e empresario registra di Canal 90 a move e fechanan pa e siman venidero, net despues di e fechanan cu Jan Poets a registra na Cas di Cultura pa e comedia di Pachi Damon.

Ora cu el a acerca Cas di Cultura pa move pa april, ya caba e fechanan tabata pasa pa otro hende.

Straño ta cu e permiso ta wordo rechaza pasobra ta

trata di dos grupo di comedia (aunke cu fechanan distinto) pero pa otro luna si ta duna permiso pa dos concierto internacional distinto, cu ta Luke Dube riba 3 di april y Gali Galiano riba 4 di april y aki tambe di empresario for di seno di Canal 90.

Jan Poets awor ta sinta cu tur gasto pasobra e lo mester cubri gastonan di viaje y di estadia di e grupo di Pachi cu ta yega Aruba awe, e suma deposita na Cas di

Cultura (mitar di e total) e no ta haya back, promocionnan haci na emisoranan, television y den corant e mester paga, y riba esey tambe gastonan haci cu venta di caarchi, trahamento di decor, y tur esaki pasobra ningun dia tabata tin e decensia di pone na altura di rechazo di e permiso.

Si e mes no a busca pa sa

ayera despues di cierto rumormen cu tabata circula, y sperando 4 ora den oficina di Ministro Vos, e lo no tabata sa tampoco di e rechazo.

John Vos a trata di yude y conversa cu otro personahe di Canal 90 cu a para ariba, segun Sr. John Vos, pa no duna Jan Poets e permiso.

TELEFONNAN DI DIARIO
826747- FAX 828551

AKI OTRO GAI LO CANTA!!

